


585939 I

Biblioteka Jagiellońska



stdr0011439



SYNCHARMA

Per illustri Domino

D. THEODATO OGINSKI:

ASSERTIONES,

EX

Vniuersa Rationali

PHILOSOPHIA,

CURSUS PHILOSOPHICÆ

VLADISLAVIANÆ

FUNDATIONIS.

Patrocinate sibi Excell: ac Reu: Dño.

M. SIGISMUNDO GREGEROWICZ,

Coll: Maio: Coll: Canonico S. ANNÆ. Eiusdem

Cursus, & Regio Professore

PUBLICÆ DEFENDENTI.

Ob æternum beneuoli animi testimonium

A

THOMACANEVESI,

Artium & Philosophiæ Candidato,

eiusdem Cursus Auditore

CONSECRATVM.

Anno Domini 1635. Mense Martio, Die Hora.

Perillustri Domino

D. THEODATO OGINSKI,

THOMAS CANEVESI, Art. & Philosophiæ
Candidatus S. & F.



Edisset felix & optata dies Perillustri Domine, si Te, Disceptationum Logicarum, nodos acutè sciendentem, liberiori tempore, omnium in oculus & animis collocasset: ita enim, sublata vehementiori perturbatione, longè mansuetiora menti nostra impressisset vulnera, quæ de Te benè merendi studio inflammata, de amplissimo Laurea prima Philosophica, munere attonita, vix, propensionis desiderio, honorum recta cupiditate impedita & oppressa, non evanesceit: id enim maximum, illud non mediocrè, veriusq; ruinam, sui ruinam arbitratur. Verùm cum florere incipiente Lauro nostrâ Tu floreas, nobisq; ad publici loci maiestatem tendentibus, hac solerti Disceptatione Tuâ aditum referes, Bonum & serenum tempus hoc, Felices & beatas dies, quæ Te Coriphæum dignitatis nostræ crearunt, approbandum duxi. Neq; verò priuata mea vox, id adstruere præsumit: (etsi non vanè, Tuo sanguini, & Tuæ solertia innixa præsumeret) communis Sympalestritarum meorum affectus id dicit, id cogitat. Quomodo non modò letitia sua incidia, verùm etiam singularis Tuæ eruditionis, debita testaretur præconia. Accipe itaq; nomine eorum, à me beneuoli animi Mnemosynon, præconceptas de Perillustri indole Tuâ spes promouere, à blandis Philosophicarum concertationum duellis ad asperiora procedenda prælia, & qui nunc, hostium tela verborum suauitate, & ingenij acumine retardas, post fulminanti acinace, & animosa dexterâ, gloriosum nominis & stemmatis Tui nidum POLONIAM Matrem defende. Vix felix & Vale.

BIBLIOTHECA
VNIuersitatis
IAGELLONICÆ
CRACOVENSIS

585939

I



SYNCHARMA.

VOS, qui triumphos magnificis metris,
Et celsa vastæ culmina gloriæ,
Æterna famæ tempora noscere,
 Redditis eximia camæna:

Bellona seu quos exacuit ferox,
Donans cruento vulnera cuspide,
Strictèq; mandans purpureum metrum,
 Sanguine purpureo creare.

Seu quos benignæ Palladis atria,
Umbris adumbrant, perpetuum tamen,
Post facta doctis constituens diem,
 Temporis exitio carentem.

Nunc, iam potenti compede iungite
Versus furentes, & placidum metrum,
Mauortis atrox dextera fulminans,
 Nunc fit amica throno Mineruæ:

Id poscit, imò pectore de meo
Effusa vox hæc, poscit & arduè
Quæ nomen adfert mentibus optimis,
Splēdida Craciadū coronas

Diuerfa dignum iungere carmina;
Aduersa, quis nam concipiet velim?
Doctus resurgit nam Iuuenis modo,
Marte suo rutilans, & Arte,

Hic est, Parentum magnificam domum,
Qui clara posset stemmata dicere;
Quæ non colores, fucus & indigens
Pinxit, at ingeniū, furorq;

Non qui fugaces exanimat viros,
Succendit, aut qui pectora flammea,
Quæ recta ducunt pro patriæ focus,
Scandere perpetuos hiatus:

Vitat nec ignes, dextera talium;
Ardentis vndæ, volnera non fugit,
Et tela, sicut mella suauia,
Vulnificasq; petit sarissas;

Hic

Hic est, Sophorum quem recreat sonus,
Doctis scholarum dum cathedris tonat,
Præclara recti dogmata fabricans,
Omnibus auxilium datura.

Te nunc OGINSKI, Te Dea maximo
Amplexa nexu, non finit aspera
Quæ multa conscendit iuuenum phalanx,
Eumenidum penetrare spectra.

Cum namq; primam conspiceres diem,
Iam Te beatum Pegasidum decus,
Iam Te beatum dicere non negant.
Sicelides lepido susurro.

Hi nam sonabant dulci loqui soni,
Quos mens Dearum candidulo labro
Spargebat, in nos, & loca deuia,
Floribus arboribus venusta,

En ductus amplâ sanguinis orbitâ,
Fauftis Parentum splendidus atrijs,
Infans, ad orbis progreditur iocos:
Fulmine stultitiæ furentes.

Ne tanta tanti gloria fulgurans,
Acerba noctis tædia nosceret,
Quæ facta reddunt, magnifico Patrum
Lumine non decorata Musæ.

Is iam Deorum, nostra volo, sciat
In mente quamuis nunc tenera nimis
Præcepta, tandem surgere non neget,
Surgere dum poterit per annos:

Hæc dicta: doctis imposuit libris,
Insculpta queis sunt nomina maxima,
Et tunc OGINSKI stemma recens dati,
In chalybe posuit potenti,

Te, nec ferocis concutiet rigor
Fati, nec atrox falx rapiet necis,
Non sæua lethi conspicias vada:
Turbine terribili tremenda.

Virtute tanta congenitâ tibi,
Ne vana Musæ numina redderes,
Prudens OGINSKI, candida pectora
Artibus ingenuis dedisti:

Etiam

Et iam patentes hauris aquas Deæ,
Sitas in amplo gurgite montium,
Dùm docta prædis dogmata Logicæ,
Ingenij Barathro sepulta.

Insigne reddis nunc sapientibus
Solamen, in te, qui vigiles ponunt
Laboris artus, qui tenebras atras
Irradiant teneræ iuuentæ,

Dùm scindis astus, falsa ponentium,
Altè volantis mentis acumine,
Sinus profundos, cunctaq; permeans;
Quæ retinent Logices Abyssi:

Dùm purpuratum stemma Patris sui
Nexu paterno, congenitum tibi,
Candore reddis conspicuum magis,
Luminibus niueis retexens.

Stupet, disertus ingenij tui
Vires, aperti pectoris inscius:
Stupet, ligatus stultitiæ iugo,
Et stupet ampla virum corona;
Præcla-

Præclare Præses; robore qui tuo,
Semota, nexu confocias bono:

MARTI Parentum, connubio suam

PALLADA, confocians potenti:

I, scande felix, omine prospero,
Ad alta Patrum iam properes gradu
Currente prudens, culmina gloriæ,

Quæ Lechiæ tribuit potestas.

Vt sic honorum laudibus ardua,
Semper remotas peruolitans plagas,
Soli paterni, conspicuum decus,

Laus tua perpetuò diescat,

Mortalis vt sic stamina temporis,
Vitam perennem dicere præsumant,
Et te beatum, celsa Synedriæ

Gloria confociet Deorum.

Deo Opt: Max: Gratia & Gloria.

BIBLIOTHECA
VNI^UERSITATIS
AGELL^{ENSIS}
CRACOVENSIS



XXIV. 5. 181



